

Aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat

Aalisarneq pillugu Inatsisartut inatsisaanni nr. 29, 23. maj 2024-meersumi § 5, imm. 3, § 14, imm. 1, § 15, § 46 aamma § 68 imm. 2 aamma imm. 3 naapertorlugit imatut aalajangersaasoqarpoq:

Kapitali 1

Atuuffissaa nassuiaatillu

Atuuffii

§ 1. Nalunaarut aalisariutinut Kalaallit Nunaanni nalunaarsorneqartunut inuussutissarsiutigalugu aalisartartunut atuuppoq.

Imm. 2. Allamik immikkut isumaqatigiissuteqartoqarsimatinnagu nalunaarut aammattaaq angallatit nunanit allameersut imaluunniit nunami allamiut angallataannik inuussutissarsiutigalugu aalisarnermi, imartani Kalaallit Nunaata aalisarnikkut oqartussaaffigisaani kiisalu nunami allamiut angallataannut Kalaallit Nunaata aalisarnikkut oqartussaaffigisaata avataani kalaallit pisassaannik aalisartunut atuuppoq.

Nassuiaatit il. il.

§ 2. Nalunaarummi matumani uku ima paasineqassapput:

- 1) "Aalisarneq pillugu inatsit": Aalisarneq pillugu Inatsisartut inatsisaat nr. 29, 23. maj 2024-meersoq.
- 2) "Tunngaviusumik titarneq": Tunngaviusumik titarnerit Kunngip peqqussutai naapertorlugit Kalaallit Nunaata imartaata killeqarfianik qaqugukkulluunniit atuuttut aalajangersarneqartut.
- 3) "Kitaa": NAFO-p imartaata ilaa 1, Kalaallit Nunaata aalisarnikkut oqartussaaffianiittoq.
- 4) "Tunu": ICES-ip imartaasa II-p, V-p, XII-p aamma XIV-p ilaat Kalaallit Nunaata aalisarnikkut oqartussaaffigisaaniittut.
- 5) "Atortut immap naqqatigoortut": Nalinginnaasumik aalisarnermi atortut immap naqqanut tuttartut imaluunniit tussinnaasut.
- 6) "Aalisarnermi atortut uninngasut": Aalisarnermut atortut suulluunniit, atorneqarneranni immakkut ingerlatittariaqanngitsut, matumani ilanngullugit qassutit takisuut puttaquteerallit (hildingsgarn), qassutit nigartakinnerit kivisittakkat (indfiltringsnet), qassutit nivinngartakkat (toggegarn), qassutit kivisittakkat, bundgarnit, ningittakkat, immap naqqaniittunut pullatit aamma pullatit.
- 7) "Aalisarnermi atortut kalinneqarsinnaasut": Aalisarnermi atortut suulluunniit atorneqarneranni immakkut kalinneqartariaqartut, pingaartumik atortut kalinneqarsinnaasut, atortut sanianniittut, qalorsuit, qalorsuit kaajallakkiartortitat atortullu kalinneqarsinnaasut assigisaat.

- 8) "Disko-karsi: Aqutsiveqarfik avannarpasissuseq 68°00'N aamma avannarpasissuseq 70°45'N-p akornanniittoq, kippasissuseq 56°00'V-p aamma kangimut tunngaviusumik killeqarfimmit killeqartinneqartoq, tak. ilanngussaq 1.
- 9) "Sisimiut-karsi": Aqutsiveqarfik avannarpasissuseq 66°00'N aamma avannarpasissuseq 67°00'N akornanniittoq, tunngaviusumik titarneq atuaqqissaarlugu kimmut 6 s̅milinik ungasissuseqartumut tunngaviusumillu titarnerup kangianut killeqartinneqartoq, tak. ilanngussaq 1.
- 10) "PNNP-mik aqqissuussaq": aqutsiveqarfiusoq aalisarnermut inatsimmi kapitali 7-imi pineqartoq.
- 11) "Aqutsiveqarfik 47": Imartaq Kalaallit Nunaata kitaani tunngaviusumik killeqarfiup tungaanut 3 s̅milit iluaniittoq, kujammut avannarpasissuseq 68°30' N-mi avannamullu avannarpasissuseq 75°00' N-mi, taakkualu kangerluttaanni killeqartinneqartoq (Qeqertarsuup Tunua kiisalu Uummannap eqqaa aamma Upernaviup eqqaa).
- 12) "A.t.t": angallatip tamakkiisumik takissusaa, angallatip siorpiaata nuaanit aqorpiaanut qeqqa atuarlugu, tukimut, uuttortarneqartoq (angallatip tamakkiisumik takissusaa).
- 13) "KANUAPNA": Kalaallit Nunaanni Aalisarnermut Piniarnermullu Nakkutilliisoqarfik.
- Imm. 2.* Tamatuma saniatigut nalunaarummi nassuiaatinut oqariartaatsit atorineqartut atuupput, aalisarnermut inatsimmi atuarneqarsinnaasut.
- Imm. 3.* Aalisarnermut pingaaruteqarnerpaanut aqutsiveqarfiit attuumassutillit aalisarsinnaanermut akuersissutit pisassiissutillu pillugit nalunaarummi qaqugukkulluunniit atuuttumi takuneqarsinnaapput.
- Imm. 4.* Nalunaarummi sumiiffiit taaneqartut WGS84 naapertorlugu nalunaarsorneqarput, imartat assinginut Kalaallit Nunaannut atuuttunut iluarsissutinik iluarsisarlugit.
- Imm. 5.* Nalunaarummi uani angallatip angissusaaanik aalajangersakkat tassaapput angallatip uuttuutaanut uppersaammii uuttuut allassimasoq, uuttueriaatsit pillugit maleruagassat sorliit angissusaaanut uuttuummik atulersitsinermut tunngaviliisuusimanersut apeqquataatinnagit.
- Imm. 6.* Nalunaarummi uani nigartaqqortussuseq najoqqutarineqartoq tassaavoq nigartap tamakkerluni iluatungimigut nerutussusiata uuttuutaa, taamaattorli saattuanut pullatit nigartaasa angissusaaat uuttorneqassapput nigartat affaannut uuttortartarlugit. Qalorsuit nigartaqqortussusii qalorsuit ilaannut tamanut atuupput.
- Imm. 7.* Nigartat angissusii nalunaarutip uuma ilanngussartaani 2-mi allassimasutut aalajangersarneqarput.

Kapitali 2

Nunap immikkoortuini killeqarfiit

Aalisarnerup sinerissamut killinga

§ 3. Nalunaarummi matumani allamik allassimasoqanngippat Tunumi kitaanilu sineriak Kalaallit Nunaata kitaata sineriaani aamma Tunup sineriaani killeqartinneqarpoq.

Aqutsiveqarfik sineriaap aamma tunngaviusumik killeqarfimmit 3 s̅milit akornanniippoq

§ 4. Aqutsiveqarfimmi sinerissap tunngaviumillu titarnerup 3 sœmilit akornanni angallatinut 17 meterit a.t.t. imaluunniit 120 BT annerilluunniit aalisaaqusaanngillat, taamaattoq imm. 3 takuuk.

Imm. 2. Imm. 1-imi aqutsiveqarfimmi inerteqquteqarneq aamma unguisuniutit qalorsuilluunniit atorlugit qaleralinniarnermi, saarullinniarnermi, suluppaagarniarnermi, nataarnarniarnermi qeerarniarnermilu angallatinut tamanut atuuppoq.

Imm. 3. Imm. 1-imi inerteqqummit ilaatinneqanngitsut tassaapput:

- 1) Raajarniarneq, tak. § 5.
- 2) Uiluinniarneq, tak. § 8, imm. 1.
- 3) Saattuarniarneq, angallatinut, uuttuutitut allagartaat naapertorlugit 24 meterinik tamakkiisumik takissusilinnut imaluunniit 120 BT ataalluguluunniit usisinnaassusilinnut atuulluni.

Raajarniarneq immikkut pillugu

§ 5. Tunngaviumik titarnermit 3 sœmilit iluanni, Sisimiut karsimi aamma Qeqertarsuup Tunuani karsimi aalisariutit 40 meterit sinnerlugit tamakkiisumik takissusillit imaluunniit 1.000 BT sinnerlugit usisinnaassusillit raajarniaqusaanngillat, taamaattoq imm. 3 takuuk.

Imm. 2. Imm. 1-imi sumiissutsit taaneqartut iluini raajartat angallammi tunisassiareqqusaanngillat, nunamulli tunisassiorfimmi suliareqqitassanngorlugit tulaanneqassapput, taamaattoq tak. imm. 4.

Imm. 3. Ingerlataqartunut, nalunaarutip atuutilersinneqarnissaanut angallateqartunut imm. 1 naapertorlugu aalisarfiusinnaasutut taasanut aalisarsinnaanermut akuersissuteqarsimasut, taamaattoq taaneqartutut piumasaqaatinik naammassinninngitsut, angallammik taassuminnga atuillutik suli sumiiffimmi aalisarnissamut akuersissummik tunineqarnermikkut akuerineqassapput. Ingerlataqartup angallatini taarsissappagu imaluunniit piffissap ilaani akuersissutini angallammut attuumassuteqartinngippagu, akuersissut annaaneqassaaq.

Imm. 4. Ingerlataqartunut, nalunaarutip atuutilernissaata tungaanut aalisariummi Qeqertarsuup Tunuani pisaminnik tunisassiorsinnaanermik akuersissuteqarsimasut, angallammik taassuminnga atuillutik suli sumiiffimmi aalisarnissamut akuersissummik tunineqarnermikkut akuerineqassapput. Ingerlataqartup angallatini taarsissappagu imaluunniit piffissap ilaani akuersissutini angallammut attuumassuteqartinngippagu, akuersissut annaaneqassaaq.

Qaleralinniarneq immikkut pillugu

§ 6. Aqutsiveqarfimmi 47-mi angallatit 15 meterinut a.t.t.-imit anginerit qaleralinniaqusaanngillat. Angallatilli 31,99 BT-mit minnerusut ukiup pisassiissuteqarfiusup siuliani aqutsiveqarfimmi aalisarsinnaanermut akuersissutaateqarsimasut aqutsiveqarfimmi 47-mi aalisarsinnaanermut akuersissutini suli tunineqartassapput.

Imm. 2. Kitaani avannarpasissuseq 64°30'N-p aamma avannarpasissuseq 68°N-p akornanni qalorsuarnik qaleralinniarneq inerteqqutaavoq.

Saattuarniarneq immikkut pillugu

§ 7. Kitaani avannarpasissuseq 66°00'N-p avannaani inuussutissarsiutigalugu saattuarniarneq januaarip aallaqqaataanit marsip 31-at ilanngullugu matoqqasarpoq.

Uiluinniarneq immikkut pillugu

§ 8. Inuussutissarsiutigalugu uiluinniarneq angallatit angissusaat apeqqutaatinnagu, sinerissap titarnerullu imartami sinerissap tunngaviusumillu titarnerup aalisarnikkut oqartussaaffiup akornata killingata 3 sœmilip avataani aamma aalisarnikkut oqartussaaffiup tunngaviusumik titarnermiit naatsorsorlugu 3 sœmilip avataani aalisarfimmi aalisarsinnaapput.

Imm 2. Uillut il.il pillugit Kalaallit Nunaannut nalunaarut kingornalu allannguuteqartinneqartoq naapertorlugu uiluinnik misiligutinik tigusani nassiunneqartunilu uiluiit toqunartoqartut Inuussutissalerinermiit Aqutsisoqarfimmit paasineqarpat Aalisarnermut Piniarnermullu Naalakkersuisoq sumiiffimmik uiluinniarfiusumik tamakkiisumik ilaannakortumilluunniit matusisinnaavoq.

Imm. 3. Aalisarnermut Piniarnermullu Naalakkersuisup sumiiffik uiluinniarfiusoq tamakkiisumik ilaannakortumilluunniit ammaqquissinnaavaa Inuussutissalerinermiit Aqutsisoqarfiup sumiiffik ammaqippagu, uillut il.il pillugit Kalaallit Nunaannut nalunaarut kingorna allanngortinneqartoq takuuk.

Kapitali 3

Piffissanik killilersuineq

Nipisanniarneq immikkut pillugu

§ 9. Aalisarnermut Piniarnermullu Naalakkersuisoq ukiut tamaasa nipisannik arnarlunniarnermut piffissamik aalisarfiusussamik, qaammatit ullui malillugit sivilunerpaamik ullunik 60-inik sivilussuseqarsinnaasumik aalajangersaasassaaq. Piffissaq aalisarfiusoq aqutsiveqarfikkaartumik aalajangersarneqartarpoq kiisalu najukkani tunisassiorfiit aalisarnermullu peqatigiiffiit sinniisuutitaannik isumasiorneqareertarlutik. Aalajangersimasumik piffissaliussap avataatigut nipisanniarneq inerteqqutaavoq.

Imm. 2. Imm. 1 naapertorlugu aalisarneq taamaallaat aprilip aallaqqaataanit juulip 16-iat ilanngullugu pisinnaavoq.

Imm. 3. Imm. 1 naapertorlugu piffissaliunneqartumi aalajangersimasumik piffissaliilluni nipisannik angusallunniarneq taamaallaat akuerisaavoq piffissami arnarlunniarfiusup nalaani, kiisalu januaarip 31-annit marsip 31-annut.

Imm. 4. Aalisarnermut Piniarnermullu Naalackersuisoq suliaqartunut ataasiakkaanut piffissaliussanit siusinnerusumik nipisanniarnissamut immikkut akuersissuteqarnermik nalunaaruteqarsinnaavoq aalisarnerup ammaannissaanut tunngaviit misissorniarlugit.

Kapisilinniarneq immikkut pillugu

§ 10. Naalackersuisut najukkami aalisartut peqatigiiffii isumasioeerlugit inuussutissarsiutigalugu kapisilinniarluni aalisarnerup aallartinnissaata ullua aalajangertassavaat. Ulloq aallartiffissaq aamma pisassiissutinik aalajangersaaneq kiisalu piunasaqaatit www.naalackersuisut.gl-imi saqqummiunneqassapput pisortatigoortumillu nalunaarutigineqassallutik.

Imm. 2. Imm. 1-imi ulloq taaneqartoq sioqqullugu kapisilinniarluni aalisarneq aallartinneqaqqussaangilaq.

Imm. 3. Kapisilittassiissutit aalajangikkat tamakkerlugit pisarineqarnissaat qanillippat, Aalisarnermut Piniarnermullu Naalackersuisup pisortatigoortumik inuussutissarsiutigalugu kapisilinniarneq kiisalu taamatut aalisarnermit pisanik pisineq aamma tunisineq qaqugu unissanersoq nalunaarutigissavai. Aalisarunnaarnissaq sioqqullugu atortut qaqqineqassapput.

Imm. 4. Imm. 3-mi ullup taaneqartup kingorna kapisilinniarluni aalisarneq inerteqquataavoq.

Kapitali 4

Atortunik killilersuineq

Aalajangersakkat nalinginnaasut

§ 11. Aalisaatit ningissimanerini sila apeqquataatillugu pisat ajoqusertinniarnagit akulikitsumik napitaajarneqartassapput.

Imm. 2. Aalisaatit ima ninginneqassapput, kangillersimanernut, kangerliumanernut, ikerasannut kuuilli sioraannut il.il. assersuissanatik, kiisalu aalisaatit allunaasalluunniit imaluunniit atortulersuutit allat, aalisaatinut atasut, isumannaatsumik imaatigut sumiissusersiorluni avaqunnissaannut pisinnaassallutik.

Imartat uumasogassutsimikkut navianartorsiorsinnaasut

§ 12. Naalackersuisut imaani sumiiffiit uumasogatigiinnik mianernartunik uumaffiusutut isigineqartut immap naqqatigut kilisaffigineqarnissaannut imaluunniit immap naqqanut attuuttartunik allanik atortoqarluni aalisarfigineqarnissaannut matussallugit aalajangersinnaavaat.

Imm. 2. Naalackersuisut sumiiffiit matuneqartut pillugit imm. 1 naapertorlugu pisortatigoortumik tamanut nalunaaruteqassapput. Angallatinut nunani EU-mi ilaasortaasuni nalunaarsorneqarsimasunut nalunaarut EU-kommissionimut, kalaallillu

angallatiginngisaannut allanut nunat ataasiakkaat aalisarnermik oqartussaasuinut nassiunneqassaaq.

§ 13. Aalisarnermut atortunik immap naqqatigoortittakkanik aalisarneq sumiiffinni ukunani inertequtaavoq:

- 1) Kalaallit Nunaata kitaani sinerissamit avannarpassissuseq $64^{\circ}10'N$ aamma avannarpassissuseq $65^{\circ}15'N$ aamma sinerissamit tunngaviusumik titarnermiit 3 sømilimik avasinnerusup akornanni.
- 2) Kalaallit Nunaata kitaani avannarpassissuseq $62^{\circ}13,8'N$ aamma kippasissuseq $50^{\circ}29,0'V$ aamma tunngaviusumik titarnerup kangiata tungaanut avannarpassissuseq $62^{\circ}44,0'N$ aamma kippasissuseq $50^{\circ}38,7'V$, ilanngussaq 3 takuuk.
- 3) Kalaallit Nunaata kitaani avannarpassissuseq $60^{\circ}22,9'N$ aamma kippasissuseq $48^{\circ}25,5'V$, avannarpassissuseq $60^{\circ}22,1'N$ aamma kippasissuseq $48^{\circ}24,9'V$, avannarpassissuseq $60^{\circ}21,3'N$ aamma kippasissuseq $48^{\circ}25,9'V$ kiisalu avannarpassissuseq $60^{\circ}22,1N$ aamma kippasissuseq $48^{\circ}29,6V$.
- 4) Kalaallit Nunaata kitaani ilanngussami 4-mi immikkoortut aappaluttumik ilisarnaatillit.

Imm. 2. Kalittakkanik ningittakkanillu immap naqqanut attuuttartunik kitaani Toqqusap ikkannerata kitaatungaani ilanngussaq 5 naapertorlugu aalisarneq inertequtaavoq.

Qassutit aamma nigartooqussutit

§ 14. Nigartat saneraat sisamat tamarmik takeqqatigiilluinnartut assigiimmik atortoqarluni qilernernik sisamanik aalajangikkat taamaallaat atorneqaqqusaapput. Uanili pineqanngilaq ammassanniarnermi nigartat (arfinilinnik nalinginnaasumik takeqqatigiinnik) teqeqqullit, arfinilinnik aalajangersimasumik katiguffilerlugit qilertallit nigartaliornermi atortut assinginik atortoqarluni nigartaliarineqartartut atorneqarsinnaapput.

§ 15. Aalisakkanik imm. 2-miit 8-mut taaneqanngitsunik aalisarnermi nigartaqqortussutsimut 140 mm-it minnerpaaffissatut atuupput.

Imm. 2. Qalorsuarsorluni aalisarnermi qassutini nigartat minnerpaaffissaattut uku atuupput:

- 1) raajat: 40 mm.
- 2) eqalukkat, putooruttoq, ammassat aamma qaleruaqanngitsut: 16 mm.
- 3) ammassassuaq aamma avaleraasartooq: 32 mm
- 4) saarullernaq: 35 mm.

Imm. 3. Qalorsuarsorluni qaleralinniarnermi qassutit isaruisa ataanni nigartat minnerpaaffissaattut 100 mm. atuupput. Qalorsuit sinnerini tamani nigartat minnerpaaffissaat qassutini 140 mm.-iussallutik

Imm. 4. Qalorsuarsorluni ikerinnarsiutunik suluppaagarniarnermi qassutit isaruisa ataanni nigartat minnerpaaffissaattut 100 mm. atuupput.

Imm. 5. Qassutit atorlugit aalisarnermi qassutini nigartat minnerpaaffissaattut uku atuupput:

- 1) nipisa: 260 mm.

- 2) eqaluk: 100 mm.
- 3) qaleralik: 190 mm.
- 4) saarullik: 160 mm.

Imm. 6. Saattuarniarnermi pullatit taamaallaat ator neqartassapput. Pullatini affarmik nigartanut nigartat minnerpaaffissaat tassaavoq 70 mm.

Imm. 7. Uiluinnik aalisarnermi/katersinermi nigartat ator neqartut qitermikkut sanimut napillugit minnerpaamik 80 mm.-erinik takissuseqassapput.

Imm. 8. Atortut imm. 1-miit 8-imut naapertorlugit ator neqartunit nigartakinnerusut angallammiitinneqassanngillat, qajannaarlugit aalajangerneqarsimanngikkunik imatullu ittujarneqarsimanngikkunik, ajornanngitsumik tigullugit imaaliinnarlugit ator neqarsinnaassanatik.

Imm. 9. Imm. 1-imit imm. 8-imut taaneqartunik atortunik allanik, nigartat angissusiinik allaanernik aalisaatinik atuineq inerteqqutaavoq.

Sumiiffiit nutaat

§ 16. Aalisarnerit tamarmik kitaani imartami 74°N-p avannaani 66°V-illu kitaani Tunullu imartaani 71°N-p Avannaani immap naqqatigut aalisarnermut atortut atorlugit aalisarnerit tamarmik sumiiffinni nutaani aalisarnerit isigineqassapput.

Imm. 2. Imm. 1 naapertorlugu sumiiffinni nutaani aalisarnermi Aalisarnermut Piniarnermullu Naalackersuisoq ingerlatsisumut immikkut piunasaqaatinik, tassunga ilanngullugu immikkut nalunaaruteqarnissamut aamma nakkutilliisumik ilaasoqarnissamut assigisaanilluunniit piunasaqaatinik pisussaaffiliisinnaavoq.

Atortut qassutinut aalajangikkat

§ 17. Raajarniarnermi immikkoortiterissutit ator neqassapput annerpaamillu paakkarutai 22 mm-inik akuttussuseqassallutik. Immikkoortiterissutit aalajangersimasumik iluseqassapput sananeqaataallu allannguajaatsuussalluni aamma ima ikkunneqassallutik aalisakkanik saniatigut pisanik sapinngisamik pitsaanerpaamik immikkoortiterisoqarsinnaanngorlugit. Immikkoortiterissutini paakkarutit akuttussusissaat nalunaarummut matumunnga ilanngussami 2-imi taaneqartutut uuttortarneqassapput.

Imm. 2. Nigartaqqortussutsit pillugit § 15-imi aalajangersakkat apeqquatainnagit atortulersuutit imm. 5-imiit 7-imut taaneqartut qalorsuit qulaatungaannut taamatuttaaq ataatungaannut ikkunneqarsinnaapput nungullarsaneq annikillilerniarlugu imaluunniit qalorsuit ninngunerulersinniarlugit.

Imm. 3. Raajanut qalorsuit assakaasorsuinik nikittartunik minnerpaamik 72 cm-inik kalunnernik nivingatalinnik ikkussiffigineqarsimassapput. Assakaasorsuit aalajangikkat inerteqqutaapput.

Imm. 4. Raajanik kilisannermi qalorsuit eqqarsaatigalugit bobbins-inik atuineq inerteqqutigineqarpoq. Taamaattoq ajornartitaanngilaq qalorsuit ammanerisa saneraanni assakaasorsuarnik nikerarsinnaasunik sisannillu ujarattalinnik (stålbobbin) atuinermik

aallarniinissaq naggasiinissarlu, soorlu aamma ajornartitaanngitsoq assakaasorsuit akorngini takissutsini tamani ujarattamik sisammik (stålbobbin) ataatsimik ikkussisarnissaq. Ujarattat sisaat ikkutat qitemikkut sanimut napillugit silissutsimikkut uuttuutaat assakaasorsuit ikkutat qeqqatigut tukimut uuttuutai assigissavaat. Affarmik ulamertat gummimik sanaat siakkilinut svirvilinullu illersuutit atorneqarsinnaapput.

Imm. 5. Atortup affaani kingullermi qalussianik qajannaallisaatinik (yderpose) ataasiinnavinnik ikkussinissaq akuerisaavoq. Qalussiat qajannaallisaatit nigartaat minnerpaamik (aqjaruani ilorliup) nigartaannit marloriaammik angissuseqassapput. Qalussiat qajannaallisaatit kaajallallugit nigartussusiat aqjaruata ilorliup kaajallallugu nigartussusianit annerussaaq.

Imm. 6. Marlunnik arlalinnilluunniit qalunik qaloortartunik atuilluni aalisarnermi akorni sullekluppiussaaq immap naqqani ingerlasartumik.

Imm. 7. Atortut sugaluartulluunniit tingerlaatissiaq, allungiartorfissiat, qalussiat qalorsuit ataannut affaannut kingullermut ikkunneqarsinnaapput qalorsuit ataanni nungullarnaveeqqutit akuerisaapput. Nungullarnaveeqqutit sukkulluunniit qalorsuit kaajallallugit 50 procentiat sinnerlugu qallersimassanngilaat.

Imm. 8. Qalorsuit immikkoortiterisinnaassusiat pitsaanerulersinniarlugu kittorartoornissarlu pinaveersaartinniarlugu qalorsuarnut kipparissunik (sisamanik teqqulinnik) illersuutitik ikkussisinnaaneq akuerisaavoq aalisarnermut pineqartumut nigartakinnerpaatut atuuttup assinganik nigartaqqortussuserlugit, tak. § 15. Qalorsuarnut illersuutit imatut ikkunneqassapput qalorsuit sinnerini allani immikkoortitserisinnaassuseq annikillisinneqassanani.

§ 18. Qalorsuarnik saarullinniarnermi aalisakkanilluunniit assigisaannik kilisannermi saniatigullu pisaqannginnissaq anguniarlugu aalisakkallu mikivallaat immikkoortiterniarlugit nigartat T90-it, ilanngussaq 2 takuuk, imaluunniit aalisarnermi pineqartumi minnerpaamik nigartaqqortussusiisa assinginik nigartallit, § 15 takuuk, atorneqarsinnaapput. T90-ini qassutit ikkussat ima ikkunneqassapput qalorsuit sinnerini saniatigut pisaqarsinnaanerat millisinnagu.

Imm. 2. Qalorsuarnik ikerinnarsiutitik aalisarnermi rundstroppit qajannaallisaatit qalorsuit ilaannut atorneqarpata taakkua qalorsuit kaajallallugit annerpaamik 40 procentiannit naannerunngitsut atorneqarsinnaapput (nigartat amerlassusaasa nigartussutsimik amerlisarlugu uuttuutigineqassaaq). Rundstroppit taamaattut akornanni akuttussuseq minnerpaamik 1 meteriussaaq. Rundstroppit taamatullu qalussiat qajannaallisaatit (aqjarua qalleq) ataatsikkut atorneqarpata rundstroppit aqjaruanut ilorlermut taamaallaat ikkuteqqasarsinnaapput. Rundstroppit qajannaallisaatit qalorsuit ilaannut atorneqartut qalorsuit kaajallallugit 60 procentiannit naannerit atorneqartillugit nigartaqqortussutsimut 140 mm-inik minnerpaaffeqarnissaat piomasqaataavoq.

§ 19. Atortussiat atortullu §§ 17-imi aamma 18-imi taaneqanngitsut kilisannermi atorneqaqquusaanngillat.

Katersiviit angallatillu uumatitsiviit atorneri immikkut pillugit

§ 20. Aalisakkanut katersivinnik atuineq uumasunut illersorneqarsinnaasumik atorpeqassapput. Taamaalilluni aalisartup:

- 1) aalisaatit qajassuussisut taamaallaat atussavai,
- 2) uumatitsiviit aalisakkap qasuersersinnaanissaa ajornaquteqanngitsumillu aalasinnaanissaat qulakkeerlugu angissusilissavai ilusilerlugillu,
- 3) uumatitsiviit mingutsitsinngitsumut inississavai, taamaalilluni atugarliortitsineq pitsaaliorneqarluni,
- 4) aalisakkat uumatitsivimmiitinneri sivisoorsuunnginnissaat kiisalu pisariaqanngitsumik amerlasoorujussuunngortinnginnissaat qulakkiissavai, taamaalillutik pisariaqanngitsumik sanigorserneri ajoqusiinerillu pitsaaliortugit
- 5) bundgarninit uumatitsivinnut aalisakkat nuunneri ima sukkassuseqassasut, aalisakkat naqitsinermut nalimmassarnissaminnut periarfissinneqartassallutik,
- 6) atugarliortoqartillugu tisanissaat, nerisinnissaat imaluunniit uumatitsivimmit anisinnissaat qulakkiissavai aamma
- 7) aalisakkanik uumatitsivimmi 30.000 kg-nit oqimaannerit ullormut takusartarlugit.

Imm. 2. Uumatitsiviit kuuffissuit kuuffiannut, akuutissanik mingutsitsiviusunut, silaannartaqarpiangitsunut uuliamilluunniit mingutsitsiffiusumut inissinneqassanngillat.

Imm. 3. Angallatinik uumatitsivinnik atuineq uumasut illersorniarlugit inissinneqassapput aamma pumpit ima iluseqartinneqassallutik aalisakkanik nuussinerit ajoqusiinani pinsinnaassallutik.

Imm. 4. Angallatinik uumatitsivinnik atuisut qaqugukkulluunniit nakkutilliisunut ilisimatitsissutigisassavaat sumi inissinneqarsimaneri katersivinnullu uumatitsiviit piginnittui imaarsinissamik isumaqatigiissuteqarsimasut pillugit.

§ 21. Qaartartut, aallaasit kaattallu naqitsinermik kaattaalluni atorpeqartartut allallu anaartaatit kiisalu akuutissat toqunartullit, ilisimajunnaarsitsisartut arortitsisartullu aalisarnermi atoqqusaanngillat.

Imm. 2. Qupinnguallatsitsissummik atortulerluni aalisarneq immikkut ittumik Naalackersuisunit akuerineqarsimatinnani atoqqusaanngillat.

Imm. 3. Qassutit tissukartittakkat atorpeqarnissaat inerteqqutaavoq.

Atortut aalajangersimasut atorneqaqqusaanngitsut

§ 22. Atortut pisanik angallammiit toqqaannartumik eqqaanermut atorpeqarsinnaasut inerteqqutaapput.

Imm. 2. Qalorsuarsorluni raajarniarnermi aalisakkanik niuernermi soqutiginaateqarsinnaasunik igitsinissamut immikkut akuersissuteqartoqarsimatillugu, saniatigut pisat suuneri amerlassusiilu nalunaarsorneqassapput iginneqartinngillu umiarsuup allattaaviinut allanneqassallutik.

Imm. 3. Aalisagaajaavittut tankiniit kuuffiit svejserlugit aalajangikkanik immikkoortiteriveqassapput annerpaamik 10 mm-tut akuttussusilinnik paakkarutitalinnik annerpaamilluunniit 15 mm-tut kaajallallugu angitigisunik putulinnik.

Imm. 4. Angallammi imermik immikkoortiterummi ungalut akuttussusiat annerpaamik 10 mm-iussaaq. Ungalut aalajangerlugit svejserneqassapput. Iermik immikkoortiterummi putut atornerqarpata, qeqqaniit sanimut uuttuutaa annerpaamik 10 mm-erioqqusaapput. Iermik immikkoortiterutini sliskini putut annerpaamik qeqqaniit sanimut 15 mm-ioqqusaapput.

Imm. 5. Angallammi pisat angissusaannut immikkoortiterivimmik atortoqarneq inerteqqutaavoq.

§ 23. Angallatit pisaqareernermi kinguninnguatiqut pisaminnik qerititsisartut § 22, imm. 5-imi inerteqqummit ilaatinneqanngillat. Pisat angissutsinut immikkoortereernerisa kinguninnguatiqut erninnaq qeritinneqassapput.

Imm. 2. Aserortermik pisanik agguisinnaasumik sequtsereqqissaarsinnaasumilluunniit atuneq inerteqqutaavoq. Angallatit aalisakkanik qajuusaasianik tunisassiorsinnaasut, tankip uninngatitsiviup aalisakkanillu qajuusaasiorfiup akornanni ikkutamik aserortermik atuisinnaapput.

Imm. 3. Aalisakkanik qajuusiat pisanit suliareqqiinermi peerneqartunit imaluunniit pisatut akornutilittut angallammi tunisassiarineqanngitsut suliarineqanngitsutulluunniit atorlugit taamaallaat tunisassiarineqarsinnaapput.

Aalisarnermut atortunik nalunaaqutsersuineq

§ 24. Aalisarnermi atortut uumatitsiviillu piginnittup aqqanik najugaanik oqarasuaataatalu normuanik imaluunniit angallatip aqqanik ilisarnaataanillu nalunaaqutsersimassapput.

Nalunaaquttat imaassapput:

- 1) atortut masammit arrortinneqarsinnaassanngillat,
- 2) qassutini kivisittakkani nalunaaqutsiussat qimiaanut aalajangerneqassapput,
- 3) ningittakkanut nalunaaqutsiussat ningittakkanut namminernut aalajangerneqassapput,
- 4) qalorsuit pingaarnertut allunaasamat aalajangerneqassapput, aamma
- 5) immap naqqanut tutsittakkat aamma pullatit nalunaaqutaat atortup sinaakkutaanut qullermut aalajangerneqassapput.

Imm. 2. Atortut imm. 1 naapertorlugu nalunaaqutsersorneqarsimannngitsut, angallammi uninngatinneqaratillu imaluunniit assartorneqaqquusaanngillat.

Imm. 3. Atortut uninngatittakkat tamarmik atornerqarnerminni imm. 1-mi paasissutissat allassimasut naapertorlugit puttaqutimikkut nalunaaqutsersorneqartassapput.

Imm. 4. Puttaqutit immikkut imm. 1-mi allassimasut naapertorlugit nalunaaqutsersorneqassapput.

Imm. 5. Kalaallit Nunaata aalisarnikkut oqartussaaffigisaani tunngaviusumik titarnermiit 3 smilip iluani aalisarnermi, aalisarnermi atortut uninngasut ilanngussami 6-mi aalajangersarneqartutut nalunaaqutsersimassapput.

Imm. 6. Kalaallit Nunaata aalisarnikkut oqartussaaffigisaani tunngaviusumik titarnermiit 3 smilip avataani aalisarnermi, aalisarnermi atortut uninngasut ilanngussami 7-mi aalajangersarneqartutut nalunaaqutserneqarsimassapput.

Nipimik kalerrisaarutit (pingerit)

§ 25. Bundgarninik saarullinniarnermi bundgarnit nipimik kalerrisaarusorneqarsimassapput (pingerilersorneqarsimassapput).

Aalisarnermik atortut annaasat qimaannakkallu

§ 26. Aalisarneq unitsinneqarpat aalisartup atortuni tamaasa qanoq ikkaluarpataluunniit erngerluni qaqissavai.

§ 27. Angallatit aalisarnermi atortunik annaasanik qaqitsinermut atorneqarsinnaasunik qaqugukkulluunniit nassartassapput.

Imm. 2. Angallatip aquttuata aalisarnermik atortumik aalisarnermiluunniit atortut ilaannik annaasaqartup sapinngisamik piaarnerpaamik atortut qaqinnissaat misilissavaa.

Imm. 3. Atortut ilassimasut nammineq sakkut kipinerisigut avissartinneqassapput.

§ 28. Aquttup atortut annaasat pillugit nalunaaquttap akunneri 24-t iluanni KANUAPNA ukuninnga nalunaarfigissavaa:

- 1) Angallatip aqqa radiukkullu attaveqartilluni ilisarnaataa.
- 2) Aalisarnermi atortut annaaneqartut suussusaat.
- 3) Aalisarnermi atortut annaaneqartut amerlassusaat imaluunniit annertussusaat.
- 4) Annaasaqarneq ulloq aamma nalunaaqutaq qassinut pisimansoq.
- 5) Sumiiffik atortunik annaasaqarfusoq.
- 6) Iliuutsit atortunik qaqitsiniarnermi iliuuserineqarsimasut.

Imm. 2. Kingorna aalisarnermut atortut taakkuluunniit ilaat qaqinneqarpata, aalisartulluunniit allap aalisarnermut atortut nalunaaqutserneqanngitsut qimaannakkat qaqippagit, qaqinnerannit nalunaaquttap akunnerisa 24-t iluanni tullinnguuttut KANUAPNA-mut nalunaarutigineqassapput:

- 1) Angallatip atortumik qaqitsisup aqqa radiukkullu attaveqartilluni ilisarnaataa.
- 2) Angallatip atortunik annaasaqartup aqqa radiukkullu ilisarnaataa.
- 3) Atortut qaqinneqartut suuneri.
- 4) Atortut qaqinneqartut amerlassusaat annertussusaalluunniit.
- 5) Atortunik qaqinneqarnerini ulloq aamma nalunaaqutaq.
- 6) Sumiiffik atortunik qaqitsiviusoq.

Imm. 3. Atortunik annaasaqarnermi aalisarnermik nakkutilliisut, naalagaaffik sinerialik attuumassuteqartoq imaluunniit Nunap Immikkoortortaani Aqutsiveqarfik nalunaarfigisinnaavaat.

Imm. 4. Tunngaviusumik titarnermiit 3 sòmilit iluanni atortut annaasat, annaasaqarfimmi tunitsiviusoq aqutigalugu KANUAPNA-mut nalunaarutigineqassapput.

§ 29. Aalisarnermut atortut aalisarnerup unitsinneqarnerata kingorna piaartumik qaqqinneqanngitsut oqartussanit qaqqinneqarsinnaapput. Piginnittup akiligaanik qaqqitsisoqassaaq.

Imm. 2. Qassutit aalisarnerup unitsinneqarnerata kingorna qaammatip ulluisa ullut arfineq-marluk kingorna qaqqinneqarnikuunngitsut qassutinik uninngatitsiinnartoq kinaassusersineqarsinnaanngippat inunnit namminerisamik qaqqinneqarsinnaapput tigummiinnarneqarlutillu.

Qaleralinniarneq immikkut pillugu

§ 30. Sinerissap qanittuani qassutinik qalorsuarnilluunniit qaleralinniarneq inerteqqutaavoq.

Imm. 2. Kommunalbestyrelsit piginnaatinneqarput imm. 1-imi inerteqqut apeqqutaatinnagu qaleralinniarluni qassutinik qalunillu aalisarnissamat kommunimi ileqqoreqqusaliornissaminut. Taamatut akuersissuteqarneq piffissamik nunallu immikkoortuanik killeqartinneqassaaq.

Imm. 3. Aalisarnermut Piniarnermullu Naalakkersuisoq qassusersorluni aalisarneq imm. 2 naapertorlugu inerteqqutaanngitsoq pillugu killilersuineramik aalajangersaaffigisinnaavaa, matumanilu piffissami aalisarnerup unitsinnera. Taamatut aalajangiinermi pisassiisutit piffissami tassani atuuttut immikkut isiginiarneqassapput kiisalu pisat pitsaassusiisa qulakkeernissaat isiginiarneqassalluni.

§ 31. Qaleralinniarnermi atortoq atortunut allanut minnerpaamik 50 meterinik ungasissusilerlugu inissinneqassaaq.

Saattuarniarneq immikkut pillugu

§ 32. Ilanngussaq 8 naapertorlugu pullatit tamarmik allunaasaaqqamik arortinneqarsinnaasumik qimaaffisiartalersorneqassapput.

§ 33. Pullatit aalisarnermi atorineqartinnatik immamiisinneqaaqqussaannngillat.

§ 34. Pullatini kalunnermi ataatsimi ataatsikkut amerlanerpaamik pullatit 100-sinnaapput.

Kapisilinniarneq immikkut pillugu

§ 35. Taamaallaat akkersamik qassutinilluunniit kapisilinniartoqaqqusaavoq.

Imm. 2. Kapisilinniarnermi qassutit imaassapput:

1) qassutit kalunnerinut ataatsimut qilerneqarsimasuni amerlanerpaamik qassutit tallimat atorineqaaqqusaapput,

- 2) nigartat angissusaat minnerpaamik 140 mm-iussapput,
- 3) qassutit kalunnerisa akuttussusaat minnerpaamik 30 meteriussapput, aamma
- 4) qassutit kuullu akua tininnerpaaffiani minnerpaamik 500 meterimik ungasitsigisumiissapput.

§ 36. Naalackersuisut Kapisillit kuuannit ukiut tamaasa kapisilittassiisutininik ullormillu aalisalernerqarfissaannik aalajangersaasarput.

Imm. 2. Kapisillit kuuanni taamaallaat nammineq atugassanik aalisartoqartassaaq. Aalisarnermi aalisarsinnaanermut akuersissut qinnuteqartoqarnera naapertorlugu Aalisarnermut Piniarnermullu Naalackersuisoqarfimmit tunniunneqartartoq piumasqaataavoq.

Imm. 3. Imm. 2 naapertorlugu aalisarsinnaanermut akuersissut qinnuteqartunut piumasqaatinik makkuninnga naammassinnittunut tunniunneqarsinnaavoq:

- 1) Aalisarnek pillugu inatsimmi inuussutissarsiutigiginagu aalisarsinnaanermut piumasqaat.
- 2) Aalisartup ukiumut akuersissuteqarfiusumut nalunaartussaataitanini naammassisimassavaa ukiup tullianut akuersissummik qinnuteqarnini tunniutsinnagu. Taama pisoqarsimangippat akuersissut itigartitsissutigineqarsinnaavoq.

Imm. 4. Naalackersuisut pisortatigoortumik aalisarnerup qaqugu unitsinnissaa pillugu nalunaaruteqassapput. Tamatuma kingorna Naalackersuisut aalisarnek tamarmi aalisarnertut pissasoq aalajangersinnaapput, tassani aalisagaq pisarineqarnermi kingorna avalatseqqinneqartassasoq (catch-and-release) aalisakkat avalatseqqinneqartut pillugit nalunaaruteqartussaataitanertalerlugu.

Imm. 5. Aalisarnerup aallartinnginneranit siusinnerusumi aalisarnek inerteqqutaavoq, tak. imm. 1. Aalisarnerup unitsinnerata kingorna aalisarnek inerteqqutaavoq, tak. imm. 4.

§ 37. Kapisillit kuuata akuanit 1000 meterinit qaninnerusumut qassusernek inerteqqutaavoq.

Imm. 2. Kapisillit kuuata akuanit 50 meterinit qaninnerusumi aalisaaatit suulluunniit atorlugit aalisarnek inerteqqutaavoq, qissattaat kisiat atorlugu aalisartoqaqqusaalluni.

Imm. 3. Kuummi aamma tatsini tassunga atasuni taamaallaat qissattaammik oqummersartalimmik aalisartoqaqqusaavoq.

Kapitali 6

Nalunaarutit

§ 38. Pissutsit nalunaarummut uunga tunngasut pillugit nalunaarutit Aalisarnermut Piniarnermullu Naalackersuisoqarfimmit pisortatigoortumik aamma Naalackersuisut nittartagaatigut nalunaarutigineqassapput.

Imm. 2. Nipisanniarneq pillugu piffissaliineq pillugu nalunaaruteqartoqassaaq aqutsiveqarfimmi pineqartumi nipisanniarnep aallartinnginnerani kingusinnerpaamik sapaatip akunnera ataaseq sioqqullugu.

Kapitali 7

Pineqaatissiisutit

§ 39. Aalajangersakkanik ukuninnga § 4 imm. 1-2, § 5, imm. 1-2, §§ 6 – 7, § 9, imm. 1 aamma imm. 3, § 10, imm. 2 aamma imm. 4, § 11, §§ 13 - 15, §§ 17 - 27, § 28, imm. 1-2 aamma imm. 4, § 30, imm. 1, §§ 31 - 35, § 36, imm. 2 aamma imm. 5 aamma § 37 unioqqutitsineq Kalaallit Nunaanni pinerluttulerinermi inatsimmi malittarisassat naapertorlugit akiliisitsinermik kinguneqarsinnaapput.

Imm. 2. Malitassanut, peqqussutinut, immikkut akuersissuteqarnnut il.il. § 8, imm. 2, § 9, imm. 4, § 12, imm. 1, § 16, imm. 2 kiisalu § 30, imm. 2 aamma imm. 3 naapertorlugit atuutilersinneqartunut Kalaallit Nunaanni Pinerluttulerinermut inatsimmi malittarisassat naapertorlugit akiliisitsissutinik pineqaatissiisuteqarnissaq aalajangersarneqarsinnaavoq.

Imm. 3. Aalisarneq pillugu inatsit imaluunniit matumani peqqussutit naapertorlugu aalajangersarneqartut akileeqqusissummik aalajangersaanissamik tunngavissaqartitsippata, akileeqqusissut Kalaallit Nunaanni Pinerluttulerinermut inatsimmi malittarisassat naapertorlugit inatsisitigut pisussaataaasoq akileeqqusissummik pisussaaffilerneqarsinnaavoq.

Imm. 4. Imm. 1-3 naapertorlugit suliat siullertut qullersamut Kalaallit Nunaanni Eqqartuussivimmut suliasanngortinneqassapput.

Imm. 5. Akiliisitsissutit imm. 1-3 naapertorlugit aalajangersarneqartut Nunatta Karsianut pisassanngortinneqassapput.

Kapitali 8

Atuutilersitsinermut atorunnaarsitsinermullu aalajangersakkat


§ 40. Nalunaarut apriliip aallaqqaataa 2025-mi atuutilissaaq.

Imm. 2. §25-mi taaneqartutut nipimik kalerrisaarusersuinissamut atuinissamut pisussaaffiliineq taamaattoq aatsaat januaarip aallaqqaataani 2026-miit atuuttussanngortinneqarput.


Imm. 3. Peqatigisaanik atorunnaarsinneqarpoq:

- 1) Piujuartitsineq siunertaralugu aalisarnerup teknikkkut iluarsartuussivigineqarnera pillugu Namminersorlutik Oqartussat nalunaarutaat nr. 4, 30. marts 2017-imeersoq,
- 2) Imartani Kalaallit Nunaata aalisarnikkut oqartussaaffigisaani raajarniarneq pillugu Namminersornerullutik Oqartussat nalunaarutaat nr. 23, 29. august 2002-meersoq

Namminersorlutik Oqartussat, ulloq 6. februaari 2025




Aalisarnermut Piniarnermullu Naalakkersuisoq



/ Emanuel Rosing


Raaja karsit

Disko-karsi:



Takussutissiaq 1: Disko-karsi: Aqutsiveqarfik avannarpasissuseq 68°00' aamma avannarpasissuseq 70°45'-p akornaniittoq, kippasissuseq 56°00'-p aamma kangimut tunngaviusumik killeqarfimmit killeqartinneqartoq.

Sisimiut-karsi:



Takussutissiaq 2: "Sisimiut-karsi": Aqutsiveqarfik avannarpasissuseq 68°00' aamma avannarpasissuseq 67°00'-p akornanniittoq kimmut tunngaviusumik killeqarfimmit 6 sømilinik ungasissuseqartumik killeqartinneqartoq kangimullu tunngaviusumik aalisarnikkut killeqarfimmit sammiveqateqartumik killeqartinneqartoq.

Nigartat uuttuutaat

1) Nigartat uuttuutaasa nassuiaataat

a) Nigartaqqortussutsimik aalajangiiniarnermut nigartanik uuttuut 2 mm-inik issussuseqarpoq, saattuulluni, ninngusuumik ilutsimigullu allannguajaatsutut ilusilersugaalluni. Sanerai illugiimmik 1:8-mik amiliartortunik imminnut atasunnngortillugit katiffiluttut imaluunniit narlusuunik tukimut sammisunik amiliartortunik ilusilersugaavoq. Nigartanik uuttuut nuumigut putoqassaaq. b) Nigartanik uuttuutip saqqaa sanimut illugiimmik mm-ikkaarlugu nalunaaqutsersugaassaaq, iluseq taanna atorneqarpat aamma kipungasumik sinaakkuteqarpat. Kingullertut taasami sanimut mm-ikkaartumik nalunaaqutsersuisoqassaaq aamma sanimut assigiimmik akuttussusilinnik nalunaaqutsersuisoqassaaq.

2. Nigartanik uuttuutip atorneqartarnera

a) Aalisarnermi atortoq siaangatinneqassaaq, taamaalilluni nigartat kipungasumik takinermoortillugit nigartat sianneqartassapput. b) Nigartap uuttuutaata immikkoortuata 1-p isuanit narlumuinnaq illuatungimi tungaanut unngerunneqassaaq aamma atortup tannersaanut sammisuanortillugu nigartalerneqartassalluni. c) Nigartanik uuttuutip nigartaa assaannarmik imaluunniit itissusersiummik atuilluni suliarineqartassaaq, tassami nigartanik uuttuut kipungasumik sammitinneqartilluni nigartartai unittoortarmata.

3. Nigartat qanoq angitiginissaanik toqqartuineq

a) Nigartat uuttorneqartussat atortup takinerpaamut sammiviani tulleriinnik 20-nik nigartalersuiffiusassapput. i) nigartat arfinilinnik sisamanillu teqeqqullit: qalorsuup tanneraniittarput (takussutissiaq 1 aamma 2 takukkit) ii) nigartat T90: qalorsuup tannerani teqeqqut (takussutissiaq 1 aamma 2 takukkit) b) Nigartat pingasunit ikinnerit mersornerisa qileneri, katigunneri, allunaasartaat imaluunniit qimia i uuttorneqarneq ajorput. Kingulliup ungasissusia (2) katiguffiisa, allunaasartaasa imaluunniit qimeruisa, teqeqquisa ungasissusaaq, qalorsuup uuttuiffiginiakkap sammivianut saatsillugit uuttortarneqassapput. Nigartat aserornikut imaluunniit alinnillit imaluunniit qiminut katigussat aamma uuttorneqarneq ajorput. c) Immikkoortumi a)-mi nigartat uuttortarneqartussaannngitsut, immikkoortoq b)-mi allassimasut atorneqartariaqannngilaq. d) Atortut isugutatsillutik, qerinatilli, taamaallaat uuttortarneqaaqassapput.

4. Nigartat ataasiakkaat angissusiat

a) Nigartap angissusia immikkoortoq 2 naapertorlugu nigartap uuttuutaatut sanimut nalunaaqutsiinertut angitigissaaq. b) Nigartap uuttorneqarnerani nigartap tukimut sinai marlunnik qilernillit isaannarmik uuttuutitut atortup qeqqaniit takuneqarsinnaagaangata takeqatigiittut akuerineqartassapput.

5. Atortup nigartaqqortussusaanik aalajangiisarneq

a) Atortup nigartaata mm-itut angissusaa nigartat tamarmiusut, immikkoortoq 3 aamma 4 naapertorlugit toqqarneqarsimasut uuttortarneqarsimasut, amerlassusaasa agguaqatigiissinneratut oqaatigineqartarpoq. Agguaqatigiissitsineq mm-mut qaninnermut tagginneqartarpoq.

b) Nigartat tamarmiusut, uuttorneqartussat, amerlassusaat immikkoortoq 6-mi aalajangersarneqarput.

6) Atortut atorineqartartut nigartaannik uuttortaanermi periuseq

a) Nakkutilliinermi oqartussat nigartat tullerriaat 20-t imm. 3 naapertorlugu toqqartorneqartut, uuttut atornagu nigartat angissusiat assaat atorlugit, uuttortassavaat.

Tamatuma kingorna atortup nigartaata angissusaa immikkoortoq 5 naapertorlugu aalajangersarneqassaaq.

b) Nigartanik uuttortaanerit takutissappassuk nigartap angissusaa malittarisassanut atuuttunut naapertuutinningsuusooq, tulleriinni marlunni nigartat 20-t immikkoortoq 3 naapertorlugu toqqartukkat uuttortarneqassapput'.

Tamatuma kingorna nigartat angissusaannik immikkoortoq 5 naapertorlugu nutaamik naatsorsuisoqassaaq, nigartat 60-t uuttortarneqareersut tunngavigalugit. Atortup nigartaata tamanna angissuseraa, taamaattorli immikkoortoq c) takuuk. c) Immikkoortoq a) imaluunniit b) naapertorlugit nigartat angissusaannik aalajangersimasunik angissusiliineq angallatip aquttuata assortussappagu, uuttortaneq taanna nigartap angissusaanik aalajangiussinertut isigineqassanngilaq, aamma atortoq uuttortaqqinneqartariaqassaaq.

i) Oqimaalutaq atorlugu uuttortaasoqassaaq.

ii) Nigartat uuttuutaata nuani putumut uuttuut nissimmik aalajangerneqassaaq.

iii) Uuttuutip eqqortuulluinnassusia Dantest-imit akuerineqassaaq.

iv) Immikkoortoq a) malillugu aalajangersaavigineqartutut atortunut 35 mm-inik taakkuninngaluunniit nerukinnerusunik nigartaqqortussusilinnut nakkutilliilluni uuttortaanermi oqimaalutaq 2 kg atorineqassaaq, aalisaatinullu allanut nakkutilliilluni uuttortaanermi oqimaalutaq 5 kg atorineqassaaq.

v) Immikkoortoq 5 naapertorlugu nigartat angissusaannik aalajangiiniarnermi nigartat 20-t tullerriaat oqimaaluttamik ataatsimik taamaallaat atuilluni uuttortarneqartassapput.

7) Atortunik uninngaannartunik uuttortaanermi periuseq

a) Pullatit nigartai ikkussuunneqassapput siaarneqarlutillu, taamaalillutik nigartat ammersai sapinngisamik sisamanik teqqoqalissapput.

b) Qilersukkat "X"-nik amerlassusillit ungasissusaat "X-1"-mik kisitsimmik (qilersukkat ataatsimik ilanngarlugit amerlassutsinik) agguaqatigiissittarlugu nigartanik uuttuineq aalajangerneqartassaaq. Inernerat millimeterinut qaninnerpaanut kisitsimmut nalimmassarneqartassaaq.

c) Nigartat pullatip sinaanut aalajangersukkat uuttortarneqarneq ajorput.

d) Nigartat uumassusilinnit arrortinneqarsinnaasunik akullit uuttortarneqarneq ajorput.

8) Atortunik uninngaannartunik uuttortaanermi.

- a) Aalisakkanut qassutini nigartat 20-t nakkutilliisup toqqassavai. Aalisakkat qassutaani nigartat assigiinngitsunik angissuseqarsimassappata, qassutini nigartat minnerpaat toqqarneqassapput.
- b) Imm. 1 naapertorlugu nigartanik toqqaanermi nigartat tulluuttut ilaatinneqassanngillat:
- i) nigartat qassutit qaavani, ataanni sinaaniluunniit mersornerisa qilerneris
 - ii) nigartat marluk katiguffinnit aamma allunaasartaasa iluini nigartat
 - iii) nigartat alinnikut imaluunniit iluarsaannikut.
- c) Kapisilinnut qassutit aamma eqalunnut qassutit uuttortarnerini oqimaalutaq $\frac{1}{2}$ kg-mik oqimaassusilik atorneqartassaaq.

9) Immikkoortiterissutini paakkarutit akuttussusiinik uuttuinnermi periaaseq

- a) Atortup napasunik paakkarutillip paakkarutaasa qanoq akuttutiginerinik uuttortaanermi savimineq teqeqqorissunik uuttuutitalik atorneqassaaq.
- b) Akuttoqatigiissutsit uuttortarneqartussat assigiinngitsunik qulinik akuttoqatigiissinnaasarput.
- c) Ristit immikkoortiterissutit paakkarutaasa akunneri mm-tut tagginneqartut paakkarutit akunnerisa tamarmiusut angissusaasa agguaqatigiissinnerattut, toqqartukkatut a.-lu naapertorlugu uuttortakkatut taaneqassapput. Agguaqatigiissitsineq mm-nut iluitsumut qaninnermut nalimmassarneqassaaq.
- d) Paakkarutit akuttoqatigiissusaannik naatsorsuinerup malittarisassat atuuttut malissimanngikkaat takutippassuk, ristit immikkoortiterussutit akunneri, atortup iluata sinaanit iluata sinaanut akunnerit, uuttortarneqassapput tamatuma kingorna inerneris akunnerit amerlassusaannut agguaqatigiissutigineqassaaq. Agguaqatigiissitsineq mm-imut qaninnermut iluitsumut nalimmassarneqassaaq.
- e) Ristimi tamarmi paakkarutit akunneri 1 mm-mit annerusumik qaqugukkulluunniit paakkarutit akunnerisa annerpaaffissaatut atuuttumit nikingaqqusaanngillat.

Qalorsuit arfinilinnik teqeqqullit aamma T90-it


Najoqqutassiaq 1

Ataani takutinneqarpoq aalajangersimasumik arfinilinnik teqeqqulinni qalorsuarni qalorsuit allunaasartaasa ingerlaarnerat malillugu qilersorneqarsimasut (A) aamma qalorsuit 90°-inik sangutinneqarsimasut (B).

Diamantmaskenet og T90-net


Figur 1

Nedenfor er vist nettrådens løberetning i et knyttet standarddiamantmaskenet (A) og i et net, der er drejet 90° (B).




Qalorsuit takissusianut kaavittoq

Najoqqutassiaq 2



Sioraq-karsi:




Takussutissiaq 1: "Sioraq-karsi": Imartaq naleqqersuutinit ukunannga killiligaasoq 62°13,8'N aamma 50°29,0V aamma 62°44,0'N kitaata tungaanut 50°38,7V-mut aamma kangimut tunngaviumik killeqarfiup tungaanut.

Imartat uumasogassutsikkut mianerisariiallit, aalisarnermi atortunik immap naqqatigoortittakkanik aalisarfioqqusaanngitsut

Qimusseriarsuaq:


Sumiiffiup nr.-a	Naleqqersorfiit Allorniusaq sanimukartoq/ allorniusaq qummukartoq	Naleqqersorfiit Kisitsisit AS aamma AQ	Sumiiffiup ilisarnaataata nr.-a	
1	75°22,5'N 65°45,0'V 75°22,5'N 65°30,0'V 75°15,0'N 65°30,0'V 75°15,0'N 65°45,0'V	75.375 -65.750 75.375 -65.500 75.250 -65.500 75.250 -65.750	NV410	
2	75°37,5'N 63°15,0'V 75°37,5'N 62°45,0'V 75°30,0'N 62°45,0'V 75°30,0'N 63°15,0'V	75.625 -63.250 75.625 - -62.750 75.500 -62.750 75.500 -63.250	NZ420 NZ421	
3	75°00,0'N 64°45,0'V 74°45,0'N 64°45,0'V 74°45,0'N 65°00,0'V 75°00,0'N 65°00,0'V	75.000 -64.750 74.750 -64.750 74.750 -65.000 75.000 -65.000	NR413 NP413	
4	74°45,0'N 64°30,0'V 74°45,0'N 63°45,0'V 74°37,5'N 63°45,0'V 74°37,5'N 64°30,0'V	74.750 -64.500 74.750 -63.750 74.625 -63.750 74.625 -64.500	NN415 NN416 NN417	
5	74°37,5'N 63°45,0'V 74°37,5'N 63°30,0'V 74°30,0'N 63°30,0'V 74°30,0'N 63°45,0'V	74.625 -63.750 74.625 -63.500 74.500 -63.500 74.500 -63.750	NM418	
6	74°22,5'N 62°45,0'V 74°22,5'N 62°30,0'V 74°15,0'N 62°30,0'V 74°15,0'N 62°45,0'V	74.375 -62.750 74.375 -62.500 74.250 -62.500 74.250 -62.750	NK422	
7	73°52,5'N 61°30,0'V 73°37,5'N 61°30,0'V 73°37,5'N 61°45,0'V 73°52,5'N 61°45,0'V	73.875 -61.500 73.625 -61.500 73.625 -61.750 73.875 -61.750	NF426 NE426	
8	73°45,0'N 61°15,0'V	73.750 -61.250	NE428	

	73°45,0'N 61°00,0'V 73°37,5'N 61°00,0'V 73°37,5'N 61°15,0'V	73.750 -61.000 73.625 -61.000 73.625 -61.250		
9	73°45,0'N 60°45,0'V 73°45,0'N 60°30,0'V 73°37,5'N 60°30,0'V 73°37,5'N 60°45,0'V	73.750 -60.750 73.750 -60.500 73.625 -60.500 73.625 -60.750	NE430	
10	73°45,0'N 60°00,0'V 73°37,5'N 60°00,0'V 73°37,5'N 60°15,0'V 73°52,5'N 60°15,0'V	73.750 -60.000 73.625 -60.000 73.625 -60.250 73.875 -60.250	NF432 NF433 NE432	
11	73°52,5'N 59°15,0'V 73°37,5'N 59°15,0'V 73°37,5'N 59°30,0'V 73°52,5'N 59°30,0'V	73.875 -59.250 73.625 -59.250 73.625 -59.500 73.875 -59.500	NF435 NE435	




Atammiup eqqaa:

Imartaq 64° 10'N aamma 65°15'N aamma sinerissamit tunngaviusumik killeqarfimmit 3 sømilimik avasinersup akornanni.




Kalaallit Nunaata kujataata kitaani:

Imartaq Kalaallit Nunaata kujataata kitaani naleqqersuutinit ukunannga killiligaasoq
60°22,9N aamma 48°25,5V, 60°22,1N aamma 48°24,9V, 60°21,3N aamma 48°25,9V,
60°22,1N aamma 48°29,6V.



Toqqussaq Banke:

Sumiiffiup nr.-a	Naleqqersorfiit Allorniusaq sanimukartog/ allorniusaq qummukartog	Naleqqersorfiit Kisitsisit AS aamma AQ
Toqqussaq Banke Karsi	64° 51,00 N 55° 12,1 V 64° 51,00 N 54° 48,2 V 64° 49,00 N 54° 48,2 V 64° 47,90 N 54° 54,3 V 64° 45,00 N 55° 0,8 V 64° 41,60 N 55° 0,8 V 64° 39,00 N 55° 3,1 V 64° 36,00 N 55° 0,2 V 64° 30,00 N 54° 51,2 V 64° 30,00 N 54° 48,2 V 64° 21,00 N 54° 33,3 V 64° 21,00 N 54° 45,2 V 64° 30,00 N 55° 9,2 V 64° 39,00 N 55° 18,2 V	-55.201667 64.85 -54.803333 64.85 -54.803333 64.816667 -54.905 64.798333 -55.01325 64.74975 -55.01325 64.69344 -55.051667 64.65 -55.003333 64.6 -54.853333 64.5 -54.803333 64.5 -54.555 64.35 -54.753333 64.35 -55.153333 64.5 -55.303333 64.65



Tunnngaviusumik killeqarfimmit 3 smilit iluini aalisarnermi atortut nalunaaqutsersorneqartarneri.

Kalaallit Nunaata aalisarnikkut oqartussaaffigisaani tunnngaviusumik killeqarfimmit 3 smilit iluini aalisarnermi atortut imaanut kininneqartartut ima ikkunneqassapput aamma ima nalunaaqutsersorneqassallutik:

- 1) Atortut avannamut isuat aalisarnermi nalunaaqutsersuummik qernertumik erfalasortalimmik ataatsimik sungaartumillu qaamanermut akisuttartumik ataatsimik nalunaaqutserneqassaaq.
- 2) Atortut kujammut isuat aalisarnermi nalunaaqutsersuummik sungaartunik erfalasortalinnik marlunnik sungaartunillu qaamanermut akisuttartunik marlunnik nalunaaqutserneqassaaq.
- 3) Aalisarnermi atortut nalunaaqutsersuutaat radarinut akisuttaatilersorneqassapput.
- 4) Pullatit piginnittup aqqanik aamma najugaanik imaluunniit angallatip aqqanik aamma umiarsualiviup ilisarnaataatut naqinnernik imermik pitarneqarsinnaanngitsunik nalunaaqutserneqarsimassapput..

Atortut nunamut aalajangerneqarsimasut.

- 1) Atortunut isuata illua nunamut aalajangerneqarsimaguni isorpiamigut aappaluttumik imaluunniit sungaartumik ^[L]_[SEP]aalisarnermi puttaqummit ammalortumik/puttaqummik nalunaaqutserneqaannarsinnaavoq.

Aalisarnermi nalunaaqutsersuutit

- 1) Aalisarnermi nalunaaqutsersuut immap qaavaniit mikinerpaamik 1 meteritut portussuseqassaaq.
- 2) Aalisarnermi nalunaaqutsiussaq piginnittup aqqanik najugaanillu angallatilluunniit aqqanik umiarsualiviatalu ilisarnaataanik naqinnernik imermik pitarneqarsinnaanngitsumik nalunaaqutserneqarsimassaaq.

Erfalasoq

- 1) Aalisarnermi nalunaaqutsiussat erfalasortaat assigiissapput sisamanillu teqqoqarlutik aamma erfalasut aappaluttooqqusaanatillu qorsorpaluttooqqusaanngillat.
- 2) Erfalasup naannerpaaffia minnerpaamik 20 cm-iussaaq.
- 3) Aalisarnermi nalunaaqutsiussami ataatsimi erfalasut marluk akunnerat minnerpaamik 20 cm-iussaaq.

Qaamanermut akisuttartut

Aalisarnermi nalunaaqutsersuutit qaamanermut sakkortuumik akisuttartunik aamma sungaartunik amitsunik minnerpaamik 6 cm-itut silissusilinnik, killingusaaq kaajallallugu akisussinnaasunik nalunaaqutaqartinneqassaaq kiisalu aalisarnermi nalunaaqutsiussami sapinngisamik qutsinnerpaamut ikkunneqassallutik. Qaamanermut akisuttartut marluk akunnerat minnerpaamik 12 cm-iussaaq.

Radarip qinngornerinut akisuttartut

12) Radarit qinngornerinut akisuttaatit aalisarnermi nalunaaquttami sapinngisamik portunerpaamut inissinneqarsimassapput, sumiiffinniillu tamanit ungasinnerpaamik 2 sømilinit ungasitsigisumit radarikkut takuneqarsinnaassallutik.

2) Imartani ingerlaartunik sikulinni aalisarnermi nalunaaqutsersuutit qaamanermut akisuttartut, taamaattorli qulleqanngitsut, erfalasoqanngitsut imaluunniit radarinut akisuttaateqanngitsut atorneqarsinnaapput aalisarnermilu nalunaaqutsersuutit sikunit ingerlaartunit aqqusaartorneqarsinnaasutut iluseqassallutik.

Allunaasat

Allunaasat aalisarnermi atortut, nalunaaqutaannut imaluunniit puttaqutinut ammalortunut kisaatinullu atorneqartut, atortunit kivisinnaasumik sanaajussapput imaluunniit kivisinnaanngortinneqarsinnaassallutik.

Tunngaviusumik killeqarfimmit 3 smilit avataanni aalisarnermi atortut nalunaaqutsersorneqartarneri.

Kalaallit Nunaata aalisarnikkut oqartussaaffigisaani tunngaviusumik killeqarfimmit 3 smilit avataanni aalisarnermi atortut imaanut kininneqartartut ikkunneqassapput aamma ima nalunaaqutsersorneqassallutik:

Aalisarnermik atortut kisaqqasut

1) Qalut, allunaasat aamma aalisarnermik atortut allat kisaqqasut isui puttasumik erfalasortalimmik imaluunniit radarip qinngornerinik qinngualasortalinnik ulluklut peqartinneqartassapput unnuakkullu atortup inissisimaffianik siassimaneranillu pisarialimmik nalunaaqutsersuutittut atorneqartussanik puttaqutinik qullilinnik peqartinneqassallutik. Aalisarnermi nalunaaqutsiussat qaamaneri FL.Y-5s-iussapput, tassa imaappoq sekundit tallimakkaarlugit sungaartumik ataasiarlutik qaammaallattassapput (0,3 s qaamasarlutik, 4,7 s qaminngasarlutik) minnerpaamillu 2 smilit iluanni isorartutigisumi takuneqarsinnaassallutik.

2) Ulluunerani aalisarnermik atortut taamaattut isuini puttaqut piniutit isuanniittoq killeq (imatut paasineqassaaq pujorsiutip ammalortortaata affaa kujammut sammisumiit kitaanut avannamullu sammisua) marlunnik erfalasulerneqarsimassaaq, appaa erfalasup qulaani imaluunniit erfalasoq ataaseq aammalu radarip qinngornerinik qinngualasartoq, kangumullu isuani (taanna paasineqassaaq pujorsiutip ammalortortaata affaa avannamiit kangianut taavalu kujammut sammisua) puttaqut piniutit isuanniittoq erfalasoqassaaq ataatsimik imaluunniit radarip qinngornerinik qinngualasulik. Piniutit isuanniittoq killeq unnuklut sungaartunik marlunnik qaamanermut akisuttartoqassaaq marlunnillu sungaartunik qulleqassalluni kiisalu kangilleq marlunnik sungaartumik qaamanermut akisuttartoqassaaq sungaartumillu qaamaneqarluni. Tamatuma saniatigut puttaqut ataaseq ataatsimik ulluunerani erfalasulerneqarsinnaavoq imaluunniit radarip qinngornerinik qinngualasoqarsinnaalluni, aamma aalisarnermi atortup sumut sammivianik ilisimatitsiniarluni puttaqutit 70-100 meterikkaarlugit unnuakkut sungaartumik qaamanermut akisuttartumik sungaartumik qullermillu sungaartumik qullilerneqarsinnaallutik.

3) Aalisarnermut atortut nalunaaqutsersuutaatut erfalasut atorneqartut aappaluttooqqusaanngillat imaluunniit qorsorpaluttooqqusaanngillat.

4) Aalisarnermik atortut smilimik ataatsimik takinerusumik takissusillit, smilimik ataatsimik takinerpaaffilersukkanik akunnequserarlugit puttaqusersorneqassapput, taamaalilluni aalisarnermik atortut smilimik ataatsimik takinerusumilluunniit takissusillit arlaannaalluunniit nalunaaqutserneqartassanngillat. Puttaqutit tamarmik ulluunerani erfalasulerneqassapput imaluunniit radarip qinngornerinik qinngualasoqassallutik, aamma puttaqutit sapinngisamik amerlanersaat qaamanermut akisuttartumik sungaartumik qullermillu sungaartumik unnuaanerani qullilersorneqartassapput. Qanorluunniit pisoqaraluarpat aalisarnermik atortup qullii marluk akunnerat 2 smilit qaangersimassanngilaat.

5) Aalisarnermik atortuni/piniutini aalisariummut aalajangerneqarsimasuni, atortup/piniutip isuani aalisariummut aalajangerneqarsimasumi puttaquteqarnissaq piumasqaataanngilaq.

6) Puttaqutit napasortaaminninnerpaamik puttaqutip qulaatungaani 2 meterinik portussuseqassaaq.

Atortut saavittut

1) Allunaasat saatsersut isuminni tamani nalunaaqutserneqarsimassapput puttaquteqassallutillu napasortalimmik puttaqutip qulaatungaani 2 meterinik minnerpaamik portussusilimmik 2 sømilit sinnerlugit akuttutiginngitsunik. Nappaqqut ulluunerani erfalasulerneqartassaaq imaluunniit radarip qinngornerinik qinngualasortaqaassalluni aamma unnuakkut qaamanermut akisuttartumik sungaartumik qullermillu sungaartumik qulleqassalluni, taanna isikkivigittumi minnerpaamik 2 sømilitut ungasissulimmiit takuneqarsinnaassaaq.

2) Aalisarnermik atortuni/piniutini aalisariummut aalajangerneqarsimasuni, atortup/piniutip isuani aalisariummut aalajangerneqarsimasumi puttaquteqarnissaq piumasqaataanngilaq.


Saattuanut pullatit qimaaffissiassartaanik ikkussuisarneq

Saattuanut pullatit allunaasamik annoraassiassamik arrortinneqarsinnaasumillu mersuussisoqassaaq, pullatit annaaneqareerlutik pisaqartuaannarnissaat pinaveersimatinniarlugu.


Saattuanut pullatit tamarmik immikkut ikinnerpaamik ataatsimik qimaaffissalersorneqassapput, taakkualu allunaasaaqqamik annoraassiassanik iluaquteqarlutik matusinnaangortinneqassallutik. Annoraassiassamik allunaasaq asseq 1-imi takutinneqartutut nigartat arfinillit katiguffiisa affaannut mersugunneqassaaq. Asseq 2-mi pullatip eqqortumik allunaasalersorneqarnissaa takussutissarineqarpoq. Allunaasaq katiguffimmut siullermut aamma katiguffiit arfineq-aappaannut qilerneqassaaq taavalu nigartat katiguffiisa aappaannit arfernannut nigartat affakkaat atuarlugit nerngunneqassalluni. Asseq 1-mi titarneq aappaluttoq atorlugu allunaasaq qanoq nerngunneqassanersoq takutinneqarpoq. Tungujortumik nalunaaqutsikkat tassaapput pullatit nigartaasa putuliorfigalugu kipineqarfissaat. Allunaasaq annoraassiassaq atorneqartoq amerlanerpaamik 96-inik allunaasaaqqamik ataatsimut qipitinneqarsimasunik allunaasaarartaqassaaq.

Pullatit qimanneqarsimagunik annaaneqarsimagunilluunniit piffissap ingerlanerani allunaasaq annoraassiassaq arriorartulissaaq. Allunaasaq arriorpat pullatinit qimaaffigineqarsinnaasumik putoqalissaaq, tassuunalu pisarineqaratarsimasut anillassinnaalissallutik.

Aalisarnerup nalaani allunaasaq arrunnginniassammat aalisarnerup immikkoortuata siulluup kingorna annoraassiamik allunaasaq nutaamik taarserneqartariaqarpoq. Allunaasaq annoraassiassaq pisariaqanngitsumik nungullartinneqarsinnaammat putup saviminertalerneqarnissaa pinaveersaartinneqassaaq.



Takussutissiaq 1



Takussutissiaq 2

- Allunaasap annoraassiassap qeqqanit sanimut napinera 6 mm-imit takinerussanngilaq
- Allunaasaq annoraassiassaq atorreqareersimassanngilaq aamma pingaarnertut allunaasartaqassanani
- Allunaasaq annoraassiassaq annerpaamik Rtex 25-iulluni 5000 g-misut oqimaatsigissaaq/ 1000 meterisut takitigissaaq (Rtex tassaavoq allunaasap qanoq ussiitsigineranut uuttuut. Rtex atorlugu uuttortaaneq tunisassiortumit suliarineqartarpoq).
- Pullatip naqqata sinaata qulaani nigartat affaat marluk mersorneqassapput
- Allunaasaq annoraassiassaq taamaalilluni ammanermut (nigartanut arfinilinnut affarnut) aalajangerneqassaaq, allunaasaq arortissimanersoq apeqqutaanani tamakkiisumik taanna ammarsinnaalissaaq.
- Pullatip qaqinnerani pisanit qimaaffissiap aserujannginnerunissaa pillugu qimaaffissiaq inissilluarneqassasoq innersuussutigineqarpoq.